

Tai a hā hā

Tai a hā hā! Tai a hā hā!

Mihi ki te whenua, tangi ki te tangata ki te Tara o Te Ika-a-Māui

Ko Moehau-a-waho, ko Te Aroha-a-uta

Tū ko te rae o Hauraki, ko Marutūāhu kōwhao rau

Taku toa, he toa takitini

Taku mana, mai i ngā tūpuna

Aku tōtara haemata i te mura o te ahi,

I te karo o te patu, i te mau o te pū

I ngā ture o ngā kooti

Tū ko te ihi, tū ko te wana, tū ko te mana motuhake o ō tātou tūpuna

Eke, eke, eke panuku

Eke, eke, eke tangaroa

Whano, whano, haramai te toki

Haumi, e, hui, e, tāiki, e!